

TUSAGATSAUJUK

Mai 4, 2016
Tapvainak Tusagatsak

Lampe ilijauullagittuk Nunatsiavummi pingajolluni AngajukKângugiamut

Nutâk AngajukKânga Nunatsiavut uKajuk Kanuttonimminik
suliaKaliaKigiamut sivuppiatigasuallugit tusugijangit ilonnaita
Ikajuttaugutilet Labradorimi Inuit Nunamik Satusaisimannimut
AngiKatigegutinganut.

“AliasotiKatsiavunga sivunitsamut amma kamagigiangit uKumaittuit
sivuntitini Nunatsiavut sivuppiatitsigasuallugu,” uKajuk Johannes Lampe,
killigiudjiKaujuk suliaKapvimogiamut Nainimi ullumi.

Lampe uKajuk Kanuttonimminik suliaKaKatautsiagiamut tamaiginnut
federal amma prâvinsiup kavamagijânginnut, suliaKaKatautsialunilu Inuit
Tapiriit Kanatami, nunatsualimâmi Inuit katutjiKatigenninga, kamagiamik
isumâlotaujunik pidjutaujunullu Labradorimi Inunnut.

Lampe, siagu Ministeriulauttuk IlikKusiliginnimut, Niuggutitsinimmut
amma Pingguanimmuk amma kiggatuttiuluni Nainimiunik Nunatsiavut
katimajitsuanginni, ininganojuk Sarah Leo AngajukKângulauttuk
sitamaukKaujuni jârini.

Lampe, angnigigatsatolauttuk tatattuiKâlluni angnigusotinnik suliatsumut,
uKausiulauttuk AngajukKâsaugiamut Aprel 7-imi. Pingajugijaulittuk
AngajukKângugiamut Nunatsiavut pingutitaulaummanit December 1,
2005-imi.

Kaujisapviugunnatuk:

Bert Pomeroy
Aulatsijik Tusagatsaligijinni
(709) 896-8582